



17. februar 2010

Inatsisartut suleriaasiat § 36 immikkoortoq 1 naapertorlugu Naalakkersuisunut imaattumik apeqquteqarniarpunga.

Naalakkersuisunut Apeqqut:

1. **Kommuneqarfik Sermersuumi snescooterit atorlugit tuttunniartoqartarnersoq Naalakkersuisunit ilisimaneqarnerluni?**
2. **Snescooterit Qamutillu motorillit allat piniarnermi atorpeqartarnerini pissutsit piumasaqaatillu qanoq ittut Naalakkersuisut nungusaataannngitsumik ingerlatsinertut isigaat?**
3. **Angallassissutit qamutit motorillit atorpeqartarnerat pillugu nalunaarut aamma Kommuneqarfik sermersuumi atuuttoq qanoq atuutsinneqarpa?**

(Inatsisartuni ilaasortaq, Kim Kielsen, Siumut)

Tungavilersuut:

Ilisimatinneqarpunga AKIA -ni aamma Ameraliup kangerluata qinnguani (Austmannadalen)-imi snescooterit aamma qamutit motorillit allat atorlugit tuttunniartoqartarsimasoq.

Tamatuma assut tupaallatsippaanga, tassami isumaqarluinnarama qamutit motorillit piniutigineqarsinnaanerat Nuummi tamakkiisumik inerteqqutaasoq. Aammalumi Namminersornerullutik oqartussat Austmannadalen-ip eqqissimatitaanera pillugu nalunaarutaannut nr. 23 af 14. juli 2008 –imeersumut taamaaliorneq naapertuutinnngilluinnartutut taasariaqarpoq, tassa pineqartumi snescooterit atorlugit piniartoqartarsimappat.

Qamutit motorillit atorlugit pinngortitami angalaarluni piniartarneq Nungusaataannngitsumik piniarnermik ingerlatsinermik qimatsinertut isigaara. Qamutit motorillit atorlugit kommuneqarfimmi piniartoqartarsimappat pissusissamisoortut isigaara pissutit tamakku pillugit Naalakkersuisut politikikkut erseqqissaateqarnissaat.

Ullut suliffiusut qulit qaangiutsinnagit akineqarnissara qilanaaraara.